

اغضبي يا مصر

يا مصر ليه مابتغضبيش ؟
عاجبك ولادك اللي حبوا نفسهم
وماحبوكيش ؟
عاجبك سنين عمرك تضيع
من غير ربيع ؟
وانتي اللي علمتي التاريخ
أيام ماكان لساها رضيع
نورتي قدامه الطريق
علشان يشوف ... وماينكفيش
يامصر قومي واغضبي
لمي ولادك واضربي
على إيد ولاد ماحبوكيش
عايزينك انتي تركعي
وانتي اللي على طول الزمن مابتركعيش

يا مصر ياسنين الطفولة والصبا

وخطوة شباب

دبت على أرضك

وإيد مسكت سحاب

يا مصر يا أول شعاع

يدخل ف قلبي ويخطفه

لبنت الجيران ... أيام زمان

يا دمعة نزلت جوه قلبي

ف يوم ... فراق

لساها فيا معلمة

ولحظة لقي

جمعت قلوب متفرقة

على مركبة ف النيل

ف ليل القاهرة

والشط حاضن ميته

ومن فرحته

يعرف على فروع الشجر مواويل

آه یا بلادنا یا حلمنا

ماينتساكيش

[illegible]